

شیمدی بوراده ، بوتون ارباب وجدانه صو - ریلایله جک بر سؤال وار . ارکان جلیله مشروطیتی موقت قانونلره لغو ایدره حریت نامه تأسیس ایدن بر حکومتی ، ایدی بر اداره عرفیه حاله کتیرن بر فقه حاکمه قارشی ، ایستر تورک اولسون ، ایستر ارناود اولسون ، ایستردیکر بر عنصر اولسون ، اونک اطاعتی نه نام ایله آرزو ایدیلیر ؟

عجبا بوباید حقوق بشره موافق بر سبب در میان ایدیلیرمی ؟ ظن ایتیم . اولایلیر که : وصایته محتاج ، هنوز بویوک بر حریت مستحق دکان ، دیرسیکیز . اولو بوراسی هر کسک قبول ایتیمه جکی و بذاته منازع فیه بر نظریه در ، ثانیاً ایشته اصل منازعه لری ، اختلاف لری موجب اولان جهت ، وصایت دعواسنده اولانلرک عدم کفایت و دریاتی دکلکی ؟ شو دورت سنه ک تجربه ره رغماً ، عادتاً مطلقه یقین بر شکلده بر وصایت ، اولنره تودیع ایدیلده - بیلیرمی ایدی ؟ مادام که وجداندن بحث ایدیورز ، شو نقطه لری الله رضای ایتیمون بی طرفانه دوشومنه کزی رجا ایدرم . کلمه ایکنجی جهته : جای بحث اولان مجلس ، ناصل بر مجلسدر ؟ انکار ایدیلده منزه که اعضای آراسنده حقیله انتخاب ایدلش ذوات اولدینی کبی اقتدار صاحب لری ده وار ایدی . لکن اورطه ده قطعی و یوزلره دلیل وارکن ، مجلسک هیئت مجموعه سنه « ملتک انتخاب کرده سی » دیمک ممکن می ایدی ؟ اوت دیرسه کز ، حقیقی بر عناد اوغورنده فدا ایتیم اولورسیکیز ، معلوما ، عتدله تغییر حقیقت و ماهیت ممکن اولاماز . ایشته ینه بر سؤال وارد اولوبور : جبر ، تضییق ، و تشکیل ایله پایلمش بر انتخاب محصولی اولان مجلسک ، بقاسنی ییچون آرزو ایتیمه لی ایدم ؟

بوتون بوؤ لره انجیق بر جواب : بیلیر : بونلرک هپسنه سز و هر کس قاتلامالی ایدیکیز ، زیرا هیئت انحصاریه بویله ایسته یوردی : « مساعده کزله دییمیم که بویله بر سبب ، هانسی نقطه نظره باقیلمسه ، شایان قبول اولاماز . واقابونجه کفایتسز لیکر ، محترم بر طاقم حساباته ستر ایدلک املی کو - تهر بیلورسه ده هیچ قوری سوزله مسلمات رد ایدیلده بیلیرمی ؟ بلکه ده مجلس حقه ده کی فکر لری مبالغه لی کوریرسیکیز . اونو تمایکیز که بن ، بروسه ده نامزد لیکمی وضع ایتیم اولدیمدن انتخابلرک ناصل پایلیدیغی ، باشقاسنک شهادتیه محتاج اولمایه حق صورتده بیلورم . بنابرین شو ایکی نقطه ده بی حقمیز کوریشکیز قطعاً دوغری دکدر . یا بن جوابلری بئیره جکم وسزه ناموسلی بر تورکک انتخاب حقه ده کی بر مکتوبی ده اوقوداجیم .

شهید زاده قلیبی

امیر ملی

شون مهمه

حضوره قبول شهزاده صلاح الدین افندی حضرت تلیرنک داماد عالی لری اسماعیل حق بک افندی ایله خارجیجه ناظری غابریل نورادونکیان افندی حضور هایونه قبول بیورلشدر .

رؤسا و امرا ی عسکر به نک تخلیق رؤسای عسکر به ایله معاون لری دون زوالی

ساعت بر بمق راده رنده حریبه ناظرینک حضورنده بالاجتماع صورتی آتیده محرر نطق هایونک قرائتدن صکره مین ایدره تنظیم قنن سندرله مهر و امضالری وضع ایتشدر .

نطق هایون حضرت خلافتناهی

صورت منیفه سیدر

آرزوی شاهانم بالعموم ارکان و امرا و ضابطان و نفرات عسکر به منزه فرق سیاسیه دن هیچ برینه منسوب اولمالری مرکزنده بولندیشدن واردوی هایونمزه انتظامیه عمالک شاهانه منزه سعادت و سلامتی بونی ایجاب ایدلکندن بوباید کندیلرندن مین طلب ایدرم .

دونی کون مکتب حریبه دن نشأت ایدن ضابطانک حضور هایون حضرت خلافتناهیده دیپلومالریک توزیمی دره اسم تحلیفه نک اجرایی انساننده بالذات طرف اشرف حضرت خلافتناهیدن ایراد بیوریلوب حریبه نظارت جلیله سندن بوکون در سعادت و طشره ده بولنن بالجله قطعات و مؤسسات عسکر به به تبلیغ قلنمش اولان نطق هایون ملوکانه نک بر صورت منیفه سی بالایه درج اولمشدر .

تبدل و کلا

تاخیدرموس غزنه سنک موثوقیت ایله توصیف ایتدیکی استخبارات مخصوصه سنه کوره بوکونلرده کامل پاشنک تحت ریاستده یکی بر قایینه تشکل ایده جکدر . داخله نظارتیه اعیان رئیس فرید پاشا تعین ایدیلده جکدر . ترتیبات متصوره ده کوره حسین حلمی پاشا یکی قایینه به اشتراک ایتیمه جکدر . قایینه نک ارکان حاضر سندن ایکی ویا اوج ذاتدن ماعدا دیگر لری موقعلری محافظه ایده جکلر دز . صدر لاحق قازی احمد مختار پاشا حضرت لری تکرار اعیان ریاسته تعین ایدیلده جکلر دز .

اراده سنیه تبلیغی

مابین هایون کابیرندن نصرت بک دون دائره صدارته کله رک بعض ارادات سنیه تبلیغ ایتشدر .

زیارت و ملاقات

دون یوم قبول سفرا اولق مناسبتیه فرانسه روسیه ، آوستریا سفیر کیرلری ایله انگلتره سفارتی مستشاری یانده باش ترجمان بواندینی حاله خارجیجه ناظری غابریل نورادونکیان افندی مقام نظارتنده زیارت ایدره احوال حاضر حقه ده ملاقات ایتشدر .

رومانیا ، بلغار ، قره طاغ سفیر لری دخی خارجیجه ناظری غابریل نورادونکیان افندی مقام نظارتلرنده زیارت ایتشدر .

دون روسیه سفیری موسیو دو کیرس عدلیه ناظری حسین حلمی پاشا حضرت لری مقام نظارتنده زیارت ایدره بر مدت ملاقات ایتشدر .

دون روسیه سفیری موسیو دو کیرس شورای دولت رئیس کامل پاشا حضرت لری مقاملرنده زیارت ایتشدر .

دون انگلیز سفارتخانه سی مستشاری یانده

باش ترجمان اولدینی حاله کامل پاشا حضرت لری مقام عالی رنده زیارت ایتک اوزره کیشلرایسه ده کامل پاشا حضرت لری مقاملرنده بولامدیغندن قارت دوو زیتلری بر ایتشدر .

اعاده زیارت

دون صدر اعظم پاشا حضرت لری زدرلنده صدارت ترجمانی سعید بک اولدینی حاله المانیا سفارتخانه سنه عزیمتله اعاده زیارت ایتشدر .

داخلیه ناظری

دون داخلیه ناظری پاشا حضرت لری خسته اولدیلرندن مقاملرینه کله مشلر دز .

بهوبال حاکمه سی حضرت لری

و حیت اسلامی

سلطان احمد حریزه دکانک تهوین احتیا - جنه صرف ایدلک اوزره بهوبال حاکمه سی بی بیانی کم حضرت لری طرفندن ۲۵۰۰ انگلیز لیراسی تبرع ایدلشدر .

حسین کاظم بک

استانبول ولایتی والیکنه سنانیک والیسی حسین کاظم بک تعین ایدلش و کیفیت تعینی اراده سنیه به اقتران ایتشدر .

استغفا و تعین

چتیغه سفیری آفرود رستم بک استغفاسی ویرمش ویرینه بشته باش شهیدری فخری بک و بشته باش شهیدر لکنه دخی امور تجاریه مدیری حکمت بک همین اولدینی خبر ایتشدر .

شیشلی - یازید تونلی

دون شورای دولته کامل پاشنک ریاستده شیشلی یازید تونلی مقاوله نامه سی مذاکره ایدلشدر .

شورای دولت

دون شورای دولت هیئت عمومی کامل پاشا حضرت لریک تحت ریاستده اجتماع ایدره مذاکره بولمشدر .

پوسته و تلغراف نظارتی

پوسته و تلغراف نظارتنک روم و طنداشلر مزدن (زغوریدی) افندی به تکلیف ایدلدیکی فقط مومی الهک تکلیف مذکور رد ایدلدیکی (نه ناپطریس) غزنه سنه اوقومشدر .

آرناودلق احوالی و داخلیه ناظری ضیا

پاشانک بیاناتی

داخلیه ناظری ضیا پاشا حضرت لری آرناودلق احوالی حقه ده آمرولیتوس غزنه سی محررینه بیانات آتیده بولومشدر :

آرناودلق احوالی بر دوره سکونه کیرمشدر . آرناودلرک مطالبی حاوی اولان مشیر ابراهیم پاشانک لایحه سی مجلس وکلاده تدقیق اولنمش و حسن تاثیر حصوله کتیرمشدر .

ابراز حیت

کلیولی و جواری حریق و حرکت زدکانی ایچون بحربه میرالایرندن متقاعد چرکس علی بک طرفندن بر لیرای عثمانی اعانه اوله رق شهر امانتده قومیسون مخصوصه تسلیم ایدلک صورتیه ابراز حیت ایدلشدر .

اعانه

استانبولده بولنن بر صاحبه الحیر خانم اقدی طرفندن کلیولی و جواری حرکت زدکانی ایچون یورخان آمریقان زری ، پرنج ، یاغ ، دقیق ، اشیا و ارزاق اولق اوزره بیک لیرایه یقین قیمته اشیا ارسال ایدیلده جکی خبر ایتشدر .

حرکت ارض فلا کتر دکانه اعانه

مرفقه و حوالیسندده حرکت ارضدن مصاب اولان و طنداشلر مز ایچون درج اعانه به تشیت ایتک اوزره ایکی مترو بولید افندی ایله بانق عثمانی مدیر سابق بانجیری و قازانوا و قره تودوری بکلردن مرکب بر هیئت تشکیل ایدلشدر . روم بطریقخانه سی وزنه سندن اوچوز لیرا ویرلشدر . شهر مز ارباب یسارینک کیسه مروتلری آچه جقلری حسیات انسانیه لرندن مأمول ایدرز .

مراجعت

ارمنیجه لوسار چاق غزنه سنه فله دن کشیده اولنن بر تلغرافنامه کوره فله اسلاملرندن حق بک بر کوکلی جته سی تشکیل ایدره رک آرناودعصاتی اوزرینه یوروک اوزره بلغارستان حکومتدن رخصت طلب ایتشدر .

جرح

کوشخانه سیار و ابورنده قاروط سیواسلی سیمون ولد میفر قومه قوده وارطانک میخانه - سنه اوطورمه قده ایکن قومه قو اسکله سنده قهوه جی یروودن و رفیق لری ایله بیلنرنده منازعه ظهور ایدره سیمونی جرح ایدره رک فرار ایتشدر .

حریق

دون قنارده لونجه نک سنان اغا چشمه سی سوغاغنده ساکن اسکچی آرتینک قله سندن حریق ظهور ایدره اتصانده بولنن متوفی انتیقه جی آرتینک خانه سی ایله بحریه ملازمه لکنندن متقاعد علی افندیکنک خانه لری محترق اولدینی حاله اطفا ایدلشدر .

قضای بحری

بولان باندیره لی (قوزما) کور کوری دون لیمانزده انگلیز باندیره لی (فوئقا) کور کوریه ایله مصادمه ایتشدر . مصادمه نتیجه سنده قوزما کور کوری غرق اولمشدر .

بک اوغلی متصرفنک ارکان مطبوعاته بیاناتی

بک اوغلی متصرفی غالب بک قارشی غزنه لری ارکانه بعض بیانات و وصایای و طبرورانه ده بولندیغی کچن کونکی نسخه مزده یازمشیدق . غالب بک بیاناتی بوکره قارشی غزنه لره عیناً کورلیدیکندن بروجه آتی نقل و اقتباس اولنور : « مطبوعاتک بر اهمیت عظیمه بی حائز اولدیغی تقدیر ایدلر دیم . مطبوعاتک ، حکومتک معاملاتتی مراقبه ایتک خصوصنده کی حقیقه تقدیر و تسل ایدرم . کچیر مکده اولدیقمز دور نازی سزده تقدیر ایدرسکیز . هر زماندن زیاده بوکون سکونه محتاج . حکومت بو دقیقه ده مطبوعاتک قیمتی ارشاداته انتظار ایدر . فقط بو ، غزنه لره عتد اولدقلری فرقه لره کوره برویادیکر حکومت حقه ده کی نشریاتلرینه ختام ویرمک دیمک دکدر . زیرا حکومت حقه ده یازمق مقتضای مشروطیتدر . حکومت احوال